

## Universitätsbibliothek Paderborn

**Statera Libelli Famosi, Cui Titulus La Morale relachée  
fortement soutenue Par Monseigneur L'Archeveque De  
Malines**

**Fontaine, Jacques**

**[S.I.], [1692]**

Caput VIII. Expenditur Paragraphus VII de fugienda occasione proxima  
peccandi.

**urn:nbn:de:hbz:466:1-39034**

## C A P U T V I I I .

*Expenditur Paragraphus VII de  
fugienda occasione proxima  
peccandi.*

**S**ic Thesis Patris de Scildere olim statuerat : Caret propositio sufficienti , qui deserere non vult occasionem , in qua ferè semper peccat , in eo periculo interpretative peccatum diligens , nisi per intensiōnem doloris , aut media extraordinaria , tollatur periculi propinquitas , vel certè valde grave malum incurendum excusat.

Quod in hac Thesi Domino Priori , & ante eum Autori Libelli *Les sentimens* , &c. displicet , est illud nisi . . . . valde grave malum incurendum excusat . Cumque nihil sit quod sine perfida corruptione transferre in aliud idioma possint Augustini Iprensis discipuli , Thesim quæ ut patet ex particula nisi , est hypothetica , opusculi flaminis damnati Autor vertit sensu absoluto , *On est point obligé de fuir l'occasion prochaine de pecher , si on ne le peut sans souffrir quelque tres-grande perte : Non tene-  
mur fugere occasionem proximam peccandi , si absque damno valde gravi vitari non possit.*

Ia-

Inter utramque propositionem discriminem est, quod Thesis non afferat absolure, quod valde grave malum incurendum, si, vel quando occurreret, semper excusaret, quod clarissime afferitur in propositione, preutab Adversario perfidâ translatione mutatur. Idem scilicet sinceris nostris, & ingenuis Augustini discipulis est *nisi excusat & excusat* absolute.

Excusare absolute quamlibet causam utiliter, & honestam docebat propositio inter 65 damnatas sexagesima secunda. Ut igitur ad illam proprius accedere videretur Thesis, sic fuit Gallicè immutanda. Perfidiam hanc à me detectam adhibere ausus non est D. Prior, saltem non tam apertè. An simile quid non intenderit, quando Thesis ita vertit *si quelque tres-grand mal*, qui lui devroit arriver ne l'excusoit; Pro *si quelque tres-grand mal NE L'EXCUSE*, alii statuant. Supponam ego non malâ fide id ab Adversario præstatum; sed quia aliter, minus commoda fuisset totius membra translatio.

Pag. 35 dicas te non assequi, quâ ratione, aut cavillatione potius contendam, quod Illustrissimus olim adolescens non defenderit hanc Thesis: *Valde grave malum incurendum excusat à vitanda occasione proximâ peccandi*. Respondeo, quod facile assequereris discrimen

men quod est inter propositionem illam, & Thesis ab Illustrissimo olim defensam, nisi vel ingenio esse admodum hebeti, vel intellectum tibi excæcasset malevolentia. An non patens discriminem est inter *excusat*, & *nisi excusat*? Aio tantum discriminem esse, quantum inter *excusat*, & *si excusat*, tam enim particula *nisi*, quam particula *si*, facit sensum mere hypotheticum.

Præterea ut tibi gratis concedam, mentem præsidis, ejusque tunc defendantis fuisse, quod in aliquibus circumstantiis fieri possit, ut malum aliquod sit adeò grave, ut tum ipsa excusat quempiam à vitanda occasione proximâ, Thesis tamen nec formaliter, nec virtualiter docet, in omnibus circumstantiis quemlibet à fugienda occasione peccandi proximâ excusari, quoties malum alioquin incurendum esset valde grave. Absolutam illam simul & universalem excusationem stabilit tua propositio; est enim absoluta, dogmatica, & indefinita. Quod autem valde grave malum semper excusat, numquam extundes ex his verbis Thesios conditionatæ *nisi excusat* valle grave ma'um.

Nondum capis Prior Anti-Monache discriminem? An adhuc conqueri de me perges, quod non sine enormi injustitiâ, & perspi-

K cua

( no )  
cū fallaciū arguam clientem tuum , quod  
propositionem Illustrissimo imponat aliam ,  
quācum propugnaverit?

Eādem pag. triumphas quasi stationem hanc  
coactus deseram , quā , inquis , mera cavilla-  
tio est . Etiam hīc stuporem tuum prodis :  
aliud enim est dissimilare aliquid , sive gratis  
concedere , aliud eō adigi pondere rationum ,  
q̄x hīc nullæ allatæ à quoquam sunt . Ve-  
rūm dum clientem tuum dē ineptia convici ,  
& de malā fide , quod propositionem mere  
hypotheticam verterit in absolutam , volū  
ulterius ipsius in accusando temeritatem ostendere , etiamsi supponeretur , quod admissis  
set Thesis aliquando fieri posse , aut revera  
fieri , ut malum incurendum tam grave  
sit , ut à fugiendâ aliquâ occasione proximâ  
excuset . Sententiam hanc confirmavi autoritate  
tam validâ Theologorum ex omni penè  
Ordine Primiorum , tot Episcoporum , &c.  
ut summa arrogantiæ sit , vel insaniæ , illam ,  
propter quosdam Novatores , & de hæresi  
aliundè suspectos , criminari .

Doctrinam hanc , inquis , proscribit Christus  
jubens præcidi manus , & pedes , oculos erui , si te scandalizent .

Non ignorant Theologi Orthodoxi dictum  
illud Christi , & sane interpretantur . Quo-  
rum

rum explicationi prudentius acquiescam, an paucorum tenebriorum, an communissimæ eorum, qui ab omnibus habentur viri per quam eruditæ & pii? Quando alterutrum eligendum esset, vel peccatum, vel præcisiō pedum ac manuum, hanc ait Christus præferendam. Hoc Thesis minimè negat etiamsi supponeretur affirmare, quod malum valde grave aliquando excusat à fugiendâ occasione. Potest enī firmiter proponere quod in occasione proximâ superaturus sit cum Dei gratiâ temptationem, & pravam consuetudinem. Quod autem omnium Ordinum Thelogos maximè illustres etiam Episcopali, & Cardinalitiâ dignitate conspicuos, impudentiâ Novatoribus ordinariâ contemnas, tanquam scandalosæ, & perniciose doctrinæ propugnatores, non me commovet. Totius scilicet orbis Thologi, exceptis paucis hic Lovanii, aut circa, omnis humanæ autoritat̄, etiam Pontificiæ contemptoribus, Castissimæ sunt, sublimi illâ Theologicâ scientiâ solis Jansenistis relictâ.

Præclarum specimen Theologici acuminis, in se, suisque emicantis præbet Jansenius Prior, cum dicit; *Viros sapientissimos ab Autore opusculi LES SENTIMENS, esse convictos, quod propositio Archi-Episcopi de proxima peccandi*

occasione , condemnata sit ab Innoc. XI tanquam perniciosa : imò hellebero opus esse omnibus , qui non vident eam contineri , & proscriptam esse in hac 62 inter 63 proxima occasio peccandi non est fugienda , quando aliqua causa utilis , aut honesta non fugiendi occurrit . Hoc enim ex admissis ubique Regulis Logica ait esse perspectissimum .

Ego uero censeo , & jam luculentē demonstrabo non esse micam rectae ratiocinationis in tota Adversarii probatione , & consequenter fatuam fore Lovaniensem Logicam , ejusque tradendae Methodum meritō à D. vande Velde Mathesios simul ac Philosophiae apud Lovanines Professore publico , fuisse explosam , si talia alumnos suos principia , talem ratiocinandi modum edoceat . Conferamus propositionem utramque , ejus sensum discutiamus sedulō .

Propositio Thesios sic habet : caret proposito sufficienti , qui deserere non vult occasionem , in qua serè semper peccat ... nisi ... valde grave malum incurendum excusat .

Propositio damnata : Proxima occasio peccandi non est fugienda , quando aliqua causa utilis , aut honesta non fugiendi occurrit .

Superius ostensum est propositionem Priorēm absolutē non assērere , quid aliquod tam grave

grave malum reverè excusans existat, sed tan-  
tum quod possit quis in occasione, in qua  
ferè semper peccat, adeoque in occasione  
quæ sit saltem per accidens proxima, habere  
propositum ad absolutionem sufficiens, si  
detur aliquod valdè grave malum, quod in-  
currendum excuset à fugiendâ hîc, & nunc  
occasione proximâ.

Propositionis verò damnatæ sensus est:  
proxima peccandi occasio nunquam est fu-  
gienda, quotiescumque causa aliqua utilis,  
aut honesta occurrit, r̄ve parum, sive mul-  
tum utilis sit aut honesta. Prima propositio  
præterquam quòd merè hypotheticè afferat  
illud quod secunda absolute, non præstat sen-  
sum universalem, quasi malum quocumque  
valdè grave semper excuset; sed, ut gratis,  
& liberaliter adversario concessi, ad suum inum  
afferit, aliquid malum posse esse adeò grave,  
ut excuset à fugiendâ occasione, in quâ quis  
ferè semper peccat, sive quæ respectu illius  
est proxima saltem per accidens.

Secunda facit sensum maximè universalem  
cum sit dogmatica, absoluta & indefinita.  
Æquivalet igitur huic *nulla* occasio proxima  
est fugienda, quandocumque aliqua causa,  
quomodocumque utilis, aut honesta non fu-  
giendi occurrit: jam autem sunt-ne oinice-

inter Theologos præstantissimi convicti quod non possit propositio posterior falsa esse, vel damnata, quin simul falsa vel damnata sit prior? Omnibus ne helleboro opus sit, qui consequentiae hujus necessitatem non percipient?

Enimvero, inquit Adversarius, si Oropega tam esset in ratiocinandi arte versatus, quam videri vult, non ignoraret, quod, si haec propositio sit falsa, & perniciosa, ut revera est, teste Innocentio XI. aliqua causa utilis aut honesta excusat à fugienda occasione peccandi proxima, necessariò vera sit haec: Nulla causa utilis, aut honesta excusat ab occasione peccandi proximâ.

Adeòne debeo esse in ratiocinandi arte versatus, ut hanc consecutionem percipiam esse legitimam? Verum quid hinc ad stabilicendam criminacionem tuam, nisi probaveris quod haec enuntiatio, *Aliqua causa utilis, aut honesta excusat à fugienda occasione proximâ* cadem sit, vel æquivalens illi, quæ est inter damnatas sexagesima secunda, *proxima occasio peccandi non est fugienda, quando aliqua causa utilis aut honesta non fugiendi occurrit?* Afferis quidem, sed rationis aliquid postulatur, quo assertum probes. Ego te in ratiocinandi arte singulariter versatum, immo monstrum Philo-

po.

sophi prædicabo, si probaveris. Damnata propositio statuit universaliter, quod altera tantum particulariter. A quoniam autem tempore, subtilis dialectice, & per quam regulam ex falsitate universalis affirmativæ, ut est hæc; licet manere in occasione proxima quotiescumque aliqua causa utilis vel honesta manendi, sive non fugiendi occurrit. Sequitur falsitas particularis affirmativæ E. G. hujus; datur aliqua causa utilis, vel honesta, quâ positâ, licet manere in occasione proximâ? Potest enim esse talis causa, quæ moralem impotentiam minimè levem inducat.

Et tamen ejusmodi sequelas admitti necesse est ab iis omnibus, qui inter præclaros Theologos à Priore subtili collocari amant, & non inter eos, quibus opus sit helleboro. Infamis Anonymi ineptum arguendi modum obtriveram in *Confutatione*, inducendo exempla Argumentationum prorsus similia, & evidenter fatua, ut sic faltem calumniatorem stolidum, si quid frontis haberet, pudore suffunderem criminatioñ tam imperitæ. Verum cum nulla fœditas sit, nulla causa tam desperata, nulla tam manifesta falsitas, quæ suum non reperiat patronum, non potuit etiam suus decessus infami Anonymo. Quid autem ad objectas à me argumentationes,

stultæ

stultæ calumniatoris ratiocinationi persimiles  
 respondeat, videamus. Sed referenda prius  
 sunt argumentationes adversæ, quamvis to-  
 ties repetere eadem tñdeat. Quando asserue-  
 rat Anonymus damnatam esse doctrinam  
 Thesios tanquam perniciosa ab Innocentio  
 XI ferente hanc 62, Proxima peccandi occasio  
 non est fugienda, quando aliqua causa utilis, aut  
 honesta non fugiendi occurrit: Tunc ego pluri-  
 heum hunc disputatorem sic adortus sum:  
 „Idem igitur tibi, tuisque zelosis est, Ali-  
 , qua causa utilis aut honesta, qualiscumque illa  
 „sit, sive parva, sive magna, & Valde grave  
 „malum inuerrendum, ob quod se eximere occa-  
 „sione illi non potest? Ridiculus es, & con-  
 „temptu potius, quam confutatione dignus.  
 „Ut tamen à stupore redeas, quem ex ma-  
 „levolentia, & nimio calumniandi æstu con-  
 „traxisti, ob oculos tibi pono conclusiones  
 „aliquot, omnium judicio fatuas; in his  
 „argumentationis tuæ dementiam conspicies,  
 „&, ut confido, temeritatem tuam con-  
 „demnabis.

„I. Proscripta est hæc 3. inter 65. Pre-  
 „sidenter agimus, quandocumque adest aliqua pro-  
 „babilitas. Sive ut verbis utar propositionis  
 „idem prorsus significantis: Generatim dum  
 „probabilitate sive intrinsecâ sive extrinsecâ;  
quæ

„quantumvis tenui , medo à probabilitate fuisse  
 „non exeatur , confisi aliquid agimus , semper pru-  
 „denter agimus. Ergo damnata est hæc , datur  
 „quandoque valde magna probabilitas , quæ confisi  
 „prudenter agimus. Nonne conclusio hæc ac-  
 „cedit ad 3. inter 31. damnatam ab Alexan-  
 „dro VIII. Non licet sequi opinionem vel inter  
 „probabiles probabilissimam ?

„2. Damhetur hæc : tenuia motiva credibili-  
 litatis ad fidem sufficiunt : dicit enim ad pro-  
 positionem 2. inter 65. assensus supernatura-  
 lis , & utilis ad salutem stat cum notitia solum  
 probabili revelationis , imo cum formidine , quæ  
 quis formidet ne non sit locutus Deus. Ergo mo-  
 tiva credibilitatis valde magna ad fidem non  
 sufficiunt. Quæ conclusio viam sternit , ad  
 propositionem 4. inter 65. ab infidelitate ex-  
 usabitur infidelis non credens , ductus opinione  
 minus probabili.

„Damnata sit hæc , ut revera est damna-  
 bilis , & accedit ad propositionem 52. inter  
 65. Non teneor sub mortali audire sacrum die  
 festo , quando aliqua causa utilis , aut honesta  
 non audiendi occurrit : Ergo tencor sub mor-  
 tali audire , ita ut nullum valde grave ma-  
 lum incurendum excusat , ne quidem ejus-  
 modi . quod inducat impotentiam , saltem  
 moralem , sacrum audiendi.

„¶. Damnetur hæc, ut meretur; non te-  
 „, neor sub mortali jejunare, quando aliqua causa  
 „, utilis, vel honesta non jejunandi occurrit: Ergo  
 „, & damnata erit ista; aliquando valde grave  
 „, malum incurendum à præcepto jejunii ex-  
 „, cusat, saltem quando malum est eiusmodi,  
 „, ut moralem jejunandi statuat impotentiam.  
 „, Nondum percipis argumentationum istarum  
 „, illationes stolidas esse, & vel tyronibus pu-  
 „, dendas? Tuae tamen sunt, aut tuis non  
 „, absimiles: sic enim argumentaris: Innocen-  
 „, centius XI. prescripsit hanc 52. proxima ob-  
 „, casio peccandi non est fugienda, quando causa  
 „, aliqua utilis aut honesta occurrit, sive parum  
 „, sive multum utilis, & quomodo cumque  
 „, honesta: locutio enim illimitata est, &  
 „, cum dogmatica sit, æquivalens universalis.  
 „, Quapropter damnata est ista: Aliquod grave  
 „, malum incurendum, quod moralem vitandæ oc-  
 „, casionis potentiam inducat, à vitanda occasione  
 „, proxima excusat. Si nondum criminacionis  
 „, tue vanitatem agnoscis, frustra labore te-  
 „, cum certando argumentis, non alio tibi  
 „, magis, quam helleboro opus. Quare mo-  
 „, nitum accipe, quod nuper Palladius (forte  
 „, idem ipse es calumniator) gratiæ Thomi-  
 „, sticæ sufficientis assertoribus suggestit, ut  
 „, Anticyras proficisciare, inde bono curatus  
 „, Helleboro redditurus.

Quid

Quid ad hæc Dominus Prior? Fateri non vult clientem suum prostratum adeò, ut erigi nullâ cavillatione valeat. Sic igitur responderet.

Ad i. hæc propositio: *ubicunque est aliqua probabilitas semper prudenter agimus*: Reducitur ad hanc: *aliqua probabilitas sufficit ad prudenter agendum*; quâ propositione damnatâ rectè sequitur veritas hujus: *ad prudenter agendum nulla probabilitas sufficit*. Hic certè, licet non eruditio*nis*, at saltem argutiæ aliquid prodit Dominus Prior quando loco hujus propositionis distinctissimæ, quam posueram, datur quan*dique valde magna probabilitas*, qua consi*p*rudenter agimus: inavult hanc substituere, aliqua probabilitas sufficit ad agendum prudenter. Mea propositio evidenter est tantum particularis, supposita ab Adversario accipi potest particulariter & universaliter. Particularis est hoc sensu accepta; *inter probalitates est aliqua, quæ sufficit ad agendum prudenter*. Hoc modo ubi accipitur, falsum est, quod ad eam reducatur tertia propositio damnata: *generatim, dum probalitate, sive intrinsecâ, sive extrinseca, quantumvis tenui, modo à probabilitis finibus non exeat*, consi*p* aliquid agimus semper prudenter agimus. Ubi ex particulis generatim & seu per notum est dialecticè Tironibus, saltem paulò minus stupidis, quam sit noster Jansenista-

rum

rum Prior, enuntiationem esse universalem.  
An autem particulare n affirmativam cum uni-  
versali affirmativâ confundere, sit reductio-  
num, & æquipollentiarum regulas callere,  
an in primis hallucinari dialecticæ elementis,  
lector judicet. Propositio anceps ab Ad-  
versario supposita accipi potest etiam sensu  
universali, hoc modo: *Aliqua probabilitas suf-  
ficit ad prudenter agendum: id est ubicumque  
est aliqua probabilitas qualiscumque illa sit ad pru-  
denter agendum semper sufficit.* Ad hanc fateor  
reduci optimè tertiam inter 65. Verum hoc  
sensu propositio ad quæstionem enodandam  
non pertinet: neque ad argumenti à me pro-  
positi solutionem. *Est homines decipere,* inquit  
Adversarius, *dicere, quod 3. quam damat*  
*Innot. XI. si eadem quam refert Oropega.* Quid  
igitur discriminis est, D. Prior, inter utram-  
que quoad sensum? Nam verba professus sum  
differre materialiter, ut in omnibus proposi-  
tionibus æquipollentibus.

Propositio damnata, jam sæpius à me re-  
lata est, generatim, dum probabilitate, sive in-  
trinsicâ, sive extrinsicâ, quantumvis tenui, modo  
à probabilitatis finibus non exeat, consili aliquid  
agimus, semper prudenter agimus. Eam dixi  
quoad substantiam, seu sensum convenire  
cum hac: *Prudenter agimus quandocumque est*  
alim

aliqua probabilitas. Ubi patet nullam esse differentiam , nisi penes brevitatem in 2. & majorem explicationem in 1. verum ne argumento meo constrictus obmutescere visceris , aliquid verborum inanum dare voluisti , quod solutionis alicujus à se minimè intellectæ loco , saltem rudes , & mulierculæ acciperent.

Præterea , inquis , est hominibus fucum sacere , afferere quod idem sit , ALIQUA PROBABILITAS SUFFICIT AD SEMPER PRUDENTER AGENDUM , & QUANTUMVIS LEVIS SIT PROBABILITAS , MODO PROBABILITATIS FINIBUS NON EXEATUR , SEMPER SUFFICIT AD AGENDUM PRUDENTER. Identitatem hic , aut æquivalentiam nullam afferui. Quid igitur tempus perdis , & verba ? Scio priorem enuntiationem sensus esse ambigui , ideoque eam non adhibeo.

Illud est quod contendō , neque tu unquam convelles : quod , sicut non sequitur : *Dannata est hæc propositio: omnis probabilitas sufficit ad semper prudenter agendum: ergo dannata est hæc: aliqua probabilitas sufficit ad aliquando prudenter agendum;* ita non sequatur , *dannata est hæc: omnis causa utilis, aut honesta excusat à fugienda proxima peccandi occasione: ergo dannata pariter est hæc: datur aliqua causa utilis, aut hc-*

L

neſt:a

nesta , quæ aliquando excusat à fugienda proximâ peccandi occasione . Fateri cogeris argumentationem utrobique esse persimilem , aut cedo disparitatem . Atqui evidens est i. conclusio nem non sequi , imò falsam esse , & damnatam profiteris ab Alex. VIII. ergo falsa pariter est illatio ultima .

Hallucinaris , Domine Prior , si existimes tum Autorem Thesios , tum me affirmare quòd ubicumque malum valdè grave incurendum foret , semper excusemur à vitanda occasione proximâ peccandi . Thesim excute , quantâ potes solertiâ , adhibe etiam Sophismatum fucos pessimæ criminatiois Patronis familiares , scrutare Confutationem Anonymi , nunquam hanc Thesium Autori , aut mihi propositionem istam ullâ veri specie poteris astricare : imò verò ejus contradictiorum tradidi pag. 56. his verbis : Observandum tamen Autoris huius ( Patris Antonii à Burgundia in praxi solida , pag. 44. & 45. prudens monitum : quo periculum peccandi , vel ipsum maius est , vel majoris peccati , eo gravius damnum sit necesse est , quod preponderare possit . Imò tam præsens tantumque esse potest mortalis peccati periculum , ut nullum damnum , nullumque temporale incommodum ei adæquari posset . Unde .... dixi semper ; dummodo adsit spes bona peccatum vitandi ,

G.

&c. hec enim si desit, locum habere videtur illud  
Christi Mart. 5. si oculus tuus dexter, &c. Vi-  
des igitur ne hanc quidem à me statui, sed  
expressè negari, datur aliquod valde grave in-  
commode, quod, ubicumque occurrit, semper  
excusat à vitanda occasione proximâ.

Similiter non admitto quòd detur ulla pro-  
babilitas speculativa, licet probabilissima,  
qua semper excusat: immo addo quod ne mo-  
ralis quidem certitudo speculativa semper suf-  
ficiat ad agendum honestè. Tantum etiam hic  
absim, Domine Prior, à damnabili laxita-  
te. Casum propono evidenter, in quo non  
liceat: proposui cum aliquando in disputa-  
tione publicâ. Quidam Theologæ Professor  
in Thesibus accusabat R. P. Ægidium de Ko-  
minck, tanquam reuim propositionis primæ  
inter 65, propterea, quod statuat licere in  
Sacramentorum administratione sequi sen-  
tentiam practicè probabilem relicta tutiore.  
Ajebam propositionem damnatam non di-  
stinguere inter probabilitatem speculativam &  
practicam. Reponcebat Præses multum exosus  
probabilitatis saltem vocabulum, quidquid sit  
de re, & praxi, distinctionem illam inanem  
esse, probabilitatem practicam niti probabi-  
litate speculativa: requiri speculativam ubi-  
que certitudinem, saltem moralem, ut quis

in praxi honestè procedat. Quærebam , an speculativa certitudo moralis semper sufficeret. Affirmabat præses , quia , inquietabat, Deus in hoc statu ignorantiae , & cæcitatis plus ab homine non videtur requirere. Ergo, inferebam , in administratione Sacramentorum licitum est universaliter adhibere materiam , quæ tantum est moraliter certò valida, etiam si in promptu sit certa physicè. Admittebatur sequela. Concludebam : ergo licitum est puerum moribundum baptizare adhibendo materiam tantum moraliter certam E. G. tenuissimam cerevisiam vel alium liquorem, qui moraliter certò sit aqua , sive materia baptismi , neglectâ materiâ physicè certâ , E. G. aquâ fluviali , quæ ad manum est. Sed bonus præses , non videbat se laxitatem etiam probabilistis intolerabilem admittere , donec à suis monitus in sequenti disputatione sententiam retractavit. Sic probabilitatum hostes implacabiles , in quibusdam laxones putidissimi sunt , ut Bajani , & Janseniani omnes , & meritò improbabiliæ vocantur , qui , dum nihil crepant nisi certitudinem , eam affingunt iis sententiis , quæ ne micam quidem habent probabilitatis. Sed redeundum est ad D. Priorem.

Ad 2. respondet D. Prior , admittendo

totum : Videlicet quod non sequatur : Falsa  
 est haec : tenuia motiva credibilitatis ad fidem suf-  
 ficiunt , ergo falsa pariter est ista : motiva credi-  
 bilitatis valde magna ad fidem sufficiunt . " Verum ,  
 „ inquit , quid hinc Oropega in rem suam ?  
 „ Si in propositione ab Innoc. XI. proscriptâ  
 „ diceretur levis aliqua utilitas , vel honestas ex-  
 „ cusat à fugienda occasione peccandi proximâ ,  
 „ nunquam in animum nostrum induxissemus  
 „ quod Pontifex , damnans propositionem il-  
 „ lam , simul confixisset sententiam Illustris-  
 „ simi , statuentem quod malum valde grave  
 „ incurrendum ab obligatione fugiendi occa-  
 „ sionem proximam excuset ." Atqui , Domine  
 Prior , propositio haec ab Innocentio dam-  
 nata : Proxima peccandi occasio non est fugienda ,  
 quando aliqua causa utilis , aut honesta non fugiendâ  
 occurrit , cum sit dogmatica , & indefinita ,  
 æquivalat huic universalis , nulla proxima pec-  
 candi occasio est fugienda , quotiescumque  
 aliqua causa utilis , aut honesta non fugiendâ  
 occurrit . Levis autem utilitas , vel honestas  
 est aliqua utilitas , vel honestas . Igitur pro-  
 positio damnata docet , quod levis aliqua  
 utilitas vel honestas excusat à fugienda occa-  
 sione peccandi proximâ . Ergo ex tuâ propriâ  
 confessione convinceris , quod non debuissetis  
 unquam in animum inducere , quod propositio ab

Illustrissima olim defensa , quæ agit de malo  
valde gravi , sit condemnata.

Præterire non potuisti R. P. Ægidium  
Estrix quin ejus Diatribæ Theologicæ propo-  
sitionem hanc impingeres *Tenuia motiva cre-  
dibilitatis ad fidem sufficient*. Nullum ex diatribâ  
locum citas , quia , ut existimo , nullum le-  
gisti. Ego quidem librum illum aliquando  
legi , sed propositionis illius à me usquam  
lectæ non memini. Paginam mihi adversarius  
designet , ut de accusationis veritate dispi-  
ciam.

Quânam verò autoritate ita Decretum In-  
nocentii interpretaris pag. 39. quasi ideò con-  
demnet propositionem 62 , quia censet Pon-  
tifex quòd nulla causa utilis , aut honesta  
quantumcumque sit gravis à fugiendâ proximâ  
peccandi occasione excuset ? An illa quæ sta-  
tuit omnem , & qualecumque seu utilitatem ,  
seu honestatem sufficere , feriri non potuit ,  
intactâ illâ , quæ enuntiat aliquam utilitatem ,  
vel honestatem valde magnam aliquando ex-  
cusare ? Ad ratiocinationes tuas tam stupidas ,  
ut ne in puerò quidem Theologiae profus  
ignaro , & dialecticæ Tirone tolerentur , ab  
indignatione se continere est perdifficile.

Ad tertiam argumentationem respondes  
etiam stolidius , quàm ad præcedentes.

Quan-

„Quantum, inquis, attinet ad hanc propo-  
 „sitionem; quam Didacus refert tanquam  
 „damnabilem, imo reipsâ damnatam in 51.  
 „inter 65 videlicet: *Non teneor sub mortali au-*  
 „*dire Sacrum die Festo, quando aliqua causa uti-*  
 „*lis, aut honesta non audiendi occurrit, respon-*  
 „*demus Didaco, quod propositio his ter-*  
 „*minis expressa, non fuerit confixa ab In-*  
 „*noc. XI. Quapropter, nequit hinc inferre,*  
 „*quod, etiamsi damnata sit, non sequatur*  
 „*pariter damnatam esse istam: teneor die*  
 „*Festo Sacrum sub mortali audire, ita ut*  
 „*nullum valde grave malum incurendum*  
 „*excuset, nequidem ejusmodi, quod inducat*  
 „*impotentiam saltem moralem Sacrum au-*  
 „*diendi.*” Hic hærebat aqua Domino Priori.  
 Videbat argumentationem fatuam esse, suæ-  
 que persimilem; unde ne & suam esse ridi-  
 culam fateri cogeretur, responsum decli-  
 nare nititur, & objectionem eludere.

Verum non sic hominem elabi patiar.  
 Cùm ais propositionem hanc: *Non teneor sub*  
*mortali audire sacrum die Festo, quando aliqua*  
*causa utilis, vel honesta non audiendi occurrit,*  
 à me referri, tanquam reipsâ damnatam 52  
 inter 65, ostendis te, vel mandacem hic,  
 ut sàpè alias, vel tam stupidum, ut ne ter-  
 minos quidem in Scholis passim obvios in-  
 tel-

telligas. Aiebam pag: 57: *damnata sit hac ut revera damnabilis est*, & accedit ad propositionem 52 inter 65. Ubinam asseritur propositionem reipsa, ut à me dictum fингis, esse proscriptam? Non in hoc termino *damnata sit*; paret enim merè Hypotheticam locutionem esse æquivalentem huic; *supponamus damnatam esse*, vel *si damnata foret*. Aio quidem *damnabilem esse*, & ad propositionem *damnatam accedere*; Verùm hoccine idem est, quod propositionem REIPSA ESSE DAMNATAM?

Non in condamnatione reipsa extente, sed in ejus Hypothesi ostendere volui argumentationis tuæ ineptiam. Actualis existentia, vel non existentia condemnationis, rationi nihil addit efficaciæ vel adimit. Si enim talis conclusio non nisi stultè inferretur ex tali supposito antecedente, etiam tua conclusio, quæ non magis ex antecedente à te posito sequitur, non minus ridicula est.

Ut autem nulla tibi elabendi, aut tergi-versandi spes sit, hâc te ratiocinatione constringo: Non magis sequitur ex condemnatione unius propositionis condemnatio alterius, quam ex falsitate unius sequitur alterius falsitas; atqui antecedens argumentationis tertie est: evidenter falsum, & tamen ex ejus falsitate nullo modo sequitur falsitas conclusio-

sionis

sionis ibidem positæ , ergo etiamsi suppone-  
retur antecedens condemnatum , non seque-  
retur damnatum esse consequens. Atqui tua  
argumentatio prorsus est ejusdem formæ er-  
gò non minus illegitimè ex antecedentis fal-  
sitate , & condemnatione , concludis falsi-  
tatem , & condemnationem consequentis.

Denique an negare auderes , quod pro-  
positio hæc : *Non teneor sub mortali audire sa-*  
*crum die festo , quando aliqua causa utilis , aut*  
*honesta non audiendi occurrit , sit falsa , sit r-*  
*verà damnabilis , & accedat ad 52 inter 65 ,*  
*quæ ita sonat : Preceptum servandi festa non*  
*obligat sub mortali , seposito scandalo , si absit con-*  
*temptus ?*

Ad quartum respondes eodem modo :  
*Circa propositionem , inquis , quam adducit Oro-*  
*pega de obligatione jejunandi , & causâ justâ obli-*  
*gationem eximente idem respondendum est. Cùm*  
*igitur non aliud habeat Adversarius , quod*  
*reponat , quâm quod stolidæ ineptiæ ad 3*  
*jam convictum est , ibidem à me disputata*  
*facile etiam hic Lector , servatâ proporțio-*  
*ne applicabit , cum ejusdem prorsus formæ*  
*argumentationem esse Adversarius ipse non*  
*inficietur.*

Nunc te , Domine Prior , rogatum velim ,  
qui sunt illi tui SAPIENTISSIMI , quibus ab Au-  
tore